



Broj predmeta: 02-000049/20
Broj akta: 01.1-1141SM-195/20
Datum, 30.4.2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Policije Brčko distrikta BiH, broj akta: 14.05-04-28509/20 od 30. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 30. 4. 2020. godine i z d a j e

N A R E D B U

O IZMJENAMA NAREDBE O ZABRANI OKUPLJANJA I ZAJEDNIČKOG KRETANJA broj predmeta: 02-000049/20, broj akta: 01.1-1141SM-045/20 od 23. 3. 2020. godine

Član 1.

U Naredbi o zabrani okupljanja i zajedničkog kretanja, u predmetu broj: 02-000049/20, broj akta: 01.1-1141SM-045/20 od 23. 3. 2020. godine, član 1. mijenja se i glasi:

„Član 1.

- (1) Ovom naredbom zabranjuje se okupljanje i zajedničko kretanje tri ili više osoba na javnim mjestima, i otvorenim i zatvorenim javnim površinama.
- (2) Izuzetno od stava (1) ovog člana, dozvoljeno je okupljanje i zajedničko kretanje tri ili više osoba samo ukoliko je neophodno da se izvrši:
 - a) službena radnja ili bilo koja radnja koju su osobe u skladu s propisima obavezne izvršiti;
 - b) vjerski obred u vjerskim objektima, na grobljima i mezarjima;
 - c) radnja koja se tradicionalno organizuje s ciljem obilježavanja značajnih datuma;
 - d) radnja s članovima uže porodice.
- (3) Pri dozvoljenom okupljanju i zajedničkom kretanju iz stava (2) tačke a), b) i c) ovog člana, osobe obavezno poštuju epidemiološke mjere, fizičku distancu od 2 metra udaljenosti između osoba i nose zaštitnu masku i zaštitne rukavice.

(4) Radi vršenja vjerskih obreda u vjerskim objektima, na grobljima i mezarjima, pored obaveza propisanih stavom (3) ovog člana, osobe su obavezne izvršiti dezinfekciju ruku prije ulaska u takve objekte.“

Član 2.

U članu 2. stavu (1) riječi: „vjerski objekti, groblja i mezarja“ se brišu.

Član 3.

Ova naredba stupa na snagu danom donošenja i objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Policiji Brčko distrikta BiH
5. Odjeljenju za zdravstvo i ostale usluge
6. Svim odjeljenjima Vlade (12x)
7. Uredu gradonačelnika / Inspektorat
8. Sekretarijatu Vlade (3x)
9. Članovima Štaba (34x)
10. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
11. Ministarstvu sigurnosti BiH – Granična policija BiH
12. Institucijama Brčko distrikta BiH (8x)
13. Crvenom krstu/križu Brčko distrikta BiH
14. JZU „Zdravstveni centar Brčko“ Brčko distrikt BiH
15. JZU „Zdravstveni centar Brčko“ Brčko distrikt BiH
 - Higijensko-epidemiološka služba
16. Odjeljenju za zdravstvo i ostale usluge
 - Pododjeljenju za javno zdravstvo
17. Javnim preduzećima, fondovima i zavodu (7x)
18. „Službenom glasniku Brčko distrikta BiH“
19. Arhivi.

GRADONAČELNIK

Mr. sc. Siniša Milić